



Statüts da la cumünaunza vschinela da Silvaplauna

**approvos da la radunanza da la cumünaunza vschinela
dals 13 gün 2024 e dals 24 gün 2025**

I. Disposiziuns generelas

1. Cumünaunza vschinela

- ¹ La cumünaunza vschinela da Silvaplauna consista da las vschinas cumünelas e dals vschins cumünels chi abitan illa vschinauncha politica da Silvaplauna. Ella es üna corporaziun dal dret public.

2. Autonomia

- ¹ I'l ram dal dret chantunel vain acconsentieu a la cumünaunza vschinela il dret d'administraziun autonoma libra.
- ² Per pudair accumplir sias lezchas decretescha ella las prescripziuns necessarias.

3. Lezchas

- ¹ La cumünaunza vschinela executescha las lezchas cha la ledscha chantunela l'ho surdo e las lezchas ch'ella ho tschernieu sves.
- ² Ella decida impustüt davart:
 - a) la concessiun dal vschinedi cumünel;
 - b) l'administraziun da sia faculted;
 - c) l'approvaziun da piglier mezs our dal conto pel richev our da la vendita da terrain;
 - d) la promoziun da la lingua e cultura rumauntscha;
 - e) la fusiun culla vschinauncha politica.
- ³ I'l ram da sieus mezs s'ingascha ella pel bön da la generalited.

4. Faculted da la cumünaunza vschinela

- ¹ La faculted da la cumünaunza vschinela serva unicamaing ad accumplir lezchas d'interess public.
- ² Mincha pajamaint u distribuziun da richevs u faculted a commembras e commembers da la cumünaunza vschinela es exclus, arsalv scha's tratta d'üna prestaziun in naturalias da pocha valor.
- ³ A nun es admiss da spuster faculted in oters subjects da dret cu la vschinauncha politica.

5. Dret da vuscher e da tscherner

- ¹ Il dret da vuscher e da tscherner haun tuot ils vschins cumünels e las vschinas cumünelas cun domicil illa vschinauncha da Silvaplauna chi haun cumplieu 18 ans e chi nu sun suot curatella cumplexsiva causa inabilited permanenta da güdicher u vegnan rapreschantos/-edas d'ün mandatar u d'üna mandataria.

6. Düreda d'uffizi

- ¹ La düreda d'uffizi per commembras e commembers da las autoriteds vschinelas importa trais ans.

7. Demischiun

- ¹ Commembras e commembers da las autoriteds haun d'inoltrer lur demischiun in scrit a la suprastanza da la cumünaunza vschinela, e que fin il pü tard ün mais aunz las tschernas.

8. Entreda in uffizi

- ¹ L'entreda in uffizi succeda ils 1 lügl zieva la tscherna.
- ² Commembers e commembras chi's retiran da las autoriteds sun oblios/-edas da surder lur uffizi in möd ordino.

9. Tschernas substitutivas

- ¹ Sch'üna persuna in uffizi as retira definitivmaing düraunt üna perioda d'uffizi, alura stu gnir fatta üna tscherna substitutiva pel rest da la perioda d'uffizi, scha la perioda d'uffizi currainta düra auncha pü lönch cu ses mais.
- ² Per las tschernas substitutivas velan las listessas disposiziuns scu per las tschernas ordinarias.

10. Participaziun a las tschantedas, cumpetenza da decider

- ¹ Cun excepziun da motivs s-chüsabels sun ils commembers e las commembras da las autoriteds vschinelas oblios/-edas da's participar a las tschantedas.
- ² Ün'authorited vschinela es cumpetenta da decider, scha almain la magiurited da tuot sieus commembers e sias commembras es preschainta ed ho il dret da vuscher.

11. Oblig da vuscher

- ¹ Mincha commember u commembra da las autoriteds es oblio/-eda da vuscher tar votaziuns e tschernas. Aarsalvedas restan las disposiziuns davart il piglier s-chüsa.

12. Decisiuns da las autoriteds

- ¹ Per tuot las decisiuns da las autoriteds vela la magiurited da las commembras e'ls commembers preschaints. In cas d'üna parited da las vuschs decida il cuvih, tar tschernas vain trat la büs-cha.

13. Motivs d'exclusiun

- ¹ Paraints u parantos in lingia directa, conjughels e fradgliuns scu eir persunas chi vivan in ün partenedi registro u in üna cumünaunza da vita factica nu suos-chan esser a listess temp illa listessa autorited vschinela.
- ² Quists motivs d'exclusiun velan eir traunter commembras e commembers da la suprastanza da la cumünaunza vschinela e la cumischun da gestiun.
- ³ Scha sun avaunt maun motivs d'exclusiun, schi es – tar üna tscherna simultana – tschernida quella persuna chi ho las pü bgeras vuschs. Scha las candidatas e'ls candidats haun survgnieu listess bgeras vuschs, vain trat la büs-cha.
- ⁴ Scha vain tschernida üna da las persunas, traunter las quelas exista ün motiv d'exclusiun, intaunt cha l'otra es in uffizi, sainza cha sia reelecziun füss pendent a listess mumaint scu la tscherna da la prüma persuna, schi nu vela la tscherna.

14. Incumpatibilted

- ¹ Commembras e commembers da la suprastanza da la cumünaunza vschinela nu paun fer part da la cumischiun da gestiun.

15. Oblig da piglier s-chüsa

- ¹ Ün commember dad ün'authorited vschinela ho da piglier s-chüsa in cas da trattativas e votaziuns davart üna fatschenda, sch'el svesse u üna persuna, cun la quela el as rechatta in üna relaziun d'exclusiun i'l sen da l'art 13 al. 1, ho ün interess persunel direct in connex culla fatschenda.
- ² Scha la situaziun da piglier s-chüsa nun es evidainta, decida la suprastanza da la cumünaunza vschinela in chosa, e que sainza il commember pertucho.

16. Dret da petiziun

- ¹ Il dret da petiziun es garantieu. Mincha vschina u vschin da Silvaplauna po inoltrer in scrit petiziuns e dumandas a las autoriteds vschinelas. L'authorited vschinela es oblida da piglier puziun infra trais mais.

17. Dret da survgnir infurmaziuns

- ¹ Mincha partecipanta u participant d'una radunanza da la cumünanza vschinela ho il dret da survgnir da la suprastanza da la cumünanza vschinela infurmaziuns davart il stedi u l'execuziun d'una fatschenda da la cumünanza vschinela.
- ² L'infurmaziun stu gnir deda il pü tard a la prosma radunanza da la cumünanza vschinela. Ella po gnir spustada u interlascheda, scha interess considerabels da la cumünanza vschinela u da terzs opponan a tela.
- ³ Arsavlos restan il secret d'uffizi e las prescripziuns davart la protecziun da datas.

18. Dret d'iniziativa

- ¹ 15 personas cun dret da vuscher in fatschendas da la cumünanza vschinela paun pretender per suottascripziun la votaziun davart üna proposta inoltreda dad ellas, chi pertuocha lur champ da competenza.
- ² L'iniziativa po gnir preschanteda ubain in fuorma d'ün impuls generel ubain in fuorma d'ün sböz elavuro. Ella ho da gnir inoltreda cullas suottascripziuns a la suprastanza da la cumünanza vschinela.

19. Procedura tar iniziativas

- ¹ La suprastanza da la cumünanza vschinela es oblieda da suottametter infra ün an üna dumanda d'iniziativa valabla cun sia pusiziun ed eventuelmaing cun üna cuntraproposta a la radunanza da la cumünanza vschinela per la decisiun.
- ² Scha'd es avaunt maun üna cuntraproposta, schi vain il prüm decis traunter quella e la dumanda d'iniziativa. Alura ho la radunanza da la cumünanza vschinela da decider in üna votaziun definitiva, sch'ella voul accepter u refüser la proposta resultada da la prüma votaziun.

20. Retratta da l'iniziativa

- ¹ Üna dumanda d'iniziativa po gnir retratta da las trais prümas personas suotsegnantas fin a la fixaziun dal termin da votaziun, premiss cha l'iniziativa nu cuntegna ün'otra clausula da retratta.

21. Iniziativa illegghela

- ¹ Scha'l cuntgnieu da la dumanda d'iniziativa es illegghel, nu la suottametta la suprastanza da la cumünanza vschinela a las votantas e'ls votants.
- ² In ün tel cas comunichescha la suprastanza da la cumünanza vschinela sia decisiun e sieus motifs in scrit a las iniziantas e'ls iniziants.

22. Dret da moziun

- ¹ Mincha votanta u votant ho il dret d'inoltrer a la radunanza da la cumünanza vschinela üna moziun concernent üna fatschenda chi nu figürescha sülla glista da tractandas e chi'd es illa competenza da las votantas e'ls votants. La suprastanza rapporta per regla a la prosma radunanza da la cumünanza vschinela e fo üna proposta davart la moziun. Scha la moziun vain acceptada, schi ho la suprastanza da suottametter a la radunanza da la cumünanza vschinela ün sböz elavuro per la decisiun, e que infra ün an.
- ² Impü velan – confuorm al sen – las disposiziuns davart l'iniziativa (art. 20 ss.), cun excepziun da l'art. 22.

23. Reponderaziun

- ¹ Üna decisiun da la radunanza da la cumünanza vschinela po adüna gnir suottamissa a tela per reponderaziun. Arsavlos restan ils drets da terzs.

- ² Aunz cha nu saja passo ün an daspö ch'üna decisiun es entreda in vigur, stu üna reponderaziun be gnir fatta, scha quello vain decis cun üna magiurited da duos terzs in occasiun da la decisiun davart la fatschenda.

24. Responsabilted

- ¹ La responsabilted dals organs da la cumünaunza vschinela per dans ch'ella fo düraunt sia lavur officiela, as drizza tenor la ledscha chantunela davart la responsabilted dal stedi.

25. Dret da recuors

- ¹ Il dret da fer recuors cunter decisiuns e decrets da la cumünaunza vschinela as drizza tenor la legislaziun chantunela.

26. Protocols

- ¹ Davart las trattativas da la radunanza da la cumünaunza vschinela, da la suprastanza da la cumünaunza vschinela scu eir da las ulteriuras autoriteds vschinelas haun da gnir fats protocols se-paros chi haun da rapportar almain davart las decisiuns, ils resultats da las tschernas scu eir davart eventuelas reclamaziuns concernent la violaziun da disposiziuns da cumpetenzza e da procedura. Els stöglian gnir suottascrits da l'actuara u l'actuar e zieva l'approvaziun explicita u implicita eir dal cuvih.
- ² Il protocol da la radunanza da la cumünaunza vschinela vain preschanto infra ün mais zieva la radunanza e vain mis ad invista tar la chanzlia dal cumün politic.
- ³ Recuors cunter il protocol dalla radunanza da la cumünaunza vschinela ho da gnir fat in scrit infra ils 30 dis da la in vista dal protocol e tramiss a la suprastanza da la cumünaunza vschinela. Quist recuors vegn tratto alla prossima radunanza da la cumünaunza vschinela e approvo cul protocol.

27. Invista i'ls protocols

- ¹ Ils protocols da las radunanzas publicas da la cumünaunza vschinela sun avierts ad invista.
- ² L'invista i'ls protocols da las radunanzas na publicas da la cumünaunza vschinela e da las autoriteds vschinelas vain be permissa, scha paun gnir fats valair interess degns da protecziun.
- ³ La pretaisa d'invista po gnir accumulida cun surder ün'extrat d'ün protocol.

II. Organisaziun da la cumünaunza vschinela

1. Organs da la cumünaunza vschinela

28. Organs da la cumünaunza vschinela

- ¹ Ils organs ordinaris da la cumünaunza vschinela sun:
- a) la radunanza da la cumünaunza vschinela;
 - b) la suprastanza da la cumünaunza vschinela;
 - c) la cumischiun da gestiun;

A. La radunanza da la cumünaunza vschinela

29. Radunanza da la cumünaunza vschinela

- ¹ La radunanza da la cumünaunza vschinela es l'organ il pü ot da la cumünaunza vschinela. In quella exerciteschan las vschinas e'ls vschins da Silvaplauna cun dret da vuscher lur drets in fatschendas da la cumünaunza vschinela.

30. Autorisaziuns da decider

¹ La radunanza da la cumünanza vschinela es autoriseda da fer il seguint:

1.Exeguir las tschernas:

- a) dal cuvih;
- b) da las ulteriuras commembras e'ls ulteriurs commembers da la supranza da la cumünanza vschinela;
- c) da las commembras e'ls commembers da la cumischiun da gestiun;

2.decreter e müder ils statüts e ledschas;

3.appruver il rendaint;

4. decider davart expensas chi surpassan la cumpetenza finanzia da la supranza da la cumünanza vschinela tenor l'art. 42 cif. 7;

5. surpigliar süerteds scu eir conceder imprasts, sch'els surpassan las cumpetenzas da la supranza da la cumünanza vschinela tenor l'art. 42 cif. 8;

6. acquister, vender, baratter ed impegner possess da fuonz scu eir conceder oters drets reals limitos, scha la decisiun surpasa la cumpetenza da la supranza da la cumünanza vschinela tenor l'art. 42 cif. 9;

7.decider davart la fusiun culla vschinauncha politica;

31. Presidi da la radunanza

¹ La radunanza da la cumünanza vschinela vain mnedada dal cuvih. In cas d'impediment surpiglia il vicecuvih u ün'otra persuna da la supranza sia piazza.

32. Cumpetenza da decider, procedura

¹ Mincha radunanza da la cumünanza vschinela bannida seguond uorden es cumpetenta da decider.

² A po be gnir decis davart fatschendas chi sun gnidas predeliberadas da la supranza da la cumünanza vschinela e chi figüreschan sülla glista da tractandas, gnida comunicada almain desch dis aunz la radunanza da la cumünanza vschinela.

³ In cas da fatschendas da pü gronda purteda per la cumünanza vschinela elavurescha la supranza da la cumünanza vschinela üna missiva per mauns da las votantas e'ls votants e trametta quella a temp.

⁴ La violaziun da disposiziuns da cumpetenza e da procedura ho da gnir critichada dalum, scha las cunstanzas permettan que. Uschigliö scada il dret da reclamaziun.

33. Publicited, piglier s-chüsa

¹ Las radunanzas da la cumünanza vschinela sun publicas.

² Davart il permiss da fer fotografias, registraziuns sonoras u la transmissiun da telas decida la radunanza da la cumünanza vschinela. Mincha persuna cun dret da vuscher po pretender cha sias externaziuns e votaziuns nu vegnan registredas.

³ L'exclusiun da persunas sainza dret da vuscher vain ordinada, scha interess publics u privats per singulas fatschendas predomineschan e pretendan quetaunt.

⁴ Ils motifs decisivs per piglier s-chüsa chi velan per las autoriteds vschinelas nu velan pels partecipants e las partecipantas da la radunanza da la cumünanza vschinela.

34. Quintavuschs

¹ La radunanza da la cumünanza vschinela nomna la quantited necessaria da quintavuschs.

35. Votaziuns

¹ Las votaziuns vegnan fattas in möd aviert. A vain fat ün scrutin, scha quel vain pretais d'almain ün quart da las persunas cun dret da vuscher preschaintas u da la supranza da la cumünanza vschinela.

- 2 Tar votaziuns aviertas es üna fatschenda acceptada, scha'l numer da las vuschs affirmativas es pü grand cu'l numer da las vuschs negativas. In cas d'üna parited es la fatschenda refüsedada.
- 3 Tar scrutins es la fatschenda acceptada, scha'l numer da las vuschs affirmativas es pü grand cu'l numer da las vuschs negativas. Cedlas da vuscher vödas u invalablas nu vegnan quintedas. In cas d'üna parited es la fatschenda refüsedada.

36. Möd da tscherner

- 1 Tschernas vegnan fattas per regla tres scrutin. Scha's mettan a disposiziun listess bgeras candidatas u candidats scu cha sun avaunt maun posts d'occupar e scha nu vain protesto, schi paun las tschernas gnir fattas in möd aviert.
- 2 La tscherna dal cuviu da la cumünaunza vschinela vain exeguida scu tscherna individuela.
- 3 La tscherna dad ulteriuras commembras ed ulteriurs commembers da la suprastanza da la cumünaunza vschinela scu eir la tscherna da las commembras e'ls commembers da la cumischiun da gestiun vegnan exeguidas scu tscherna collectiva.

37. Eruida dal resultat da la tscherna

- 1 l'l prüm scrutin es tschernieu chi chi ho raggiunt la magiurited absoluta.
- 2 La magiurited absoluta vain calculada da la summa da tuot las vuschs inoltredas valablas, dividida cul numer dals posts libers plus ün. Il resultat vain arrundieu sü al prossem numer inter. Scha pü bgeras personas haun raggiunt la magiurited absoluta cu cha sun avaunt maun posts libers, schi decida la pü granda quantited da las vuschs.
- 3 l'l seguond scrutin es tschernieu chi chi ho survgnieu las pü bgeras vuschs.
- 4 Scha püssas personas haun survgnieu listess bgeras vuschs, schi decida la büs-cha davart la tscherna u la successiun da l'occupaziun dals posts.

B. La suprastanza da la cumünaunza vschinela

38. Funcziun e cumposiziun

- 1 La suprastanza da la cumünaunza vschinela es l'autorited directiva da la cumünaunza vschinela. Ella planisescha e coordinescha sias activitads.
- 2 Ella consista dal cuviu e da quatter ulteriuras commembras/ulteriurs commembers.
- 3 La suprastanza da la cumünaunza vschinela nomna da sieu savuogl il vicecuvih.

39. Tschantedas

- 1 La suprastanza da la cumünaunza vschinela vain bannida dal cuviu u eventuelmaing dal vicecuvih, e que uschè suvenz, scu cha las fatschendas pretendan.
- 2 La bannida vain fatta per regla almain set dis aunz il termin da la tschanteda, comunichand in scrit las tractandas.
- 3 Sün dumanda da duos commembras u commembers da la suprastanza da la cumünaunza vschinela es il cuviu oblio da bannir üna tschanteda.

40. Lezchas e cumpetenzas

- 1 La suprastanza da la cumünaunza vschinela ho tuot las autorizaziuns chi nu sun surdedas ad ün oter organ tres ün dret superiur u tres il dret da la cumünaunza vschinela. Ella ho impustüt l'incumbenza da:
 1. exeguir il dret superiur, il dret da la cumünaunza vschinela scu eir las decisiuns da quella;
 2. adatter il dret da la cumünaunza vschinela al dret superiur, scha que nu do üngün spazi da regulaziun;
 3. decreter e müder uordens;
 4. preparar tuot las fatschendas per mauns da la radunanza da la cumünaunza vschinela;

5. administrer la facultad da la cumünanza vschinela;
6. fer il rendaint annuel;
7. decider davart expensas d'ün import da max. 2000.- fr. per la listessa fatschenda e d'ün import da max. 500.- fr. per expensas periodicas annueles;
8. surpigliar süerteds scu eir conceder imprasts i'l ram da sia cumpetenza d'expensas, il pü da tuot però 1000.- fr. l'an;
9. acquister, vender, baratter ed impegner possess da fuonz scu eir conceder oters drets reels limitos, scha la purteda finanzia da la decisiun nu surpassa 1000.- fr.;
10. decider davart la concessiun dal dret da vschinedi;
11. der l'approvaziun da piglier mezs our dal conto pel richev our da la vendita da terrain;
12. decider davart il processer e recuorrer scu eir fer cunvegnas u contrats da cumpromiss;

41. Rapreschantaziun da la cumünanza vschinela vers inour

- ¹ La supranza rapreschainta la cumünanza vschinela invers terzs e davaunt güdisch.
- ² Il cuviu respectivmaing il vicecuvu ho insembel cun ün ulteriur commember/ün'ulteriura commembra da la supranza il dret da der la suottascripziun giuridicamaing valabla per la cumünanza vschinela.

42. Gestiu

- ¹ La supranza da la cumünanza vschinela scumparta traunter pèr las lezchas administrativas tenor champs definieus. Il scumpart stu gnir comunicho a las votantas e'ls votants.
- ² Ils commembers e las commembras da la supranza da la cumünanza vschinela haun da controller las fatschendas da lur champ administrativ, da piglier per mauns ils acts ufficials necessaris e da rapportar a la supranza da la cumünanza vschinela.
- ³ Il dret da decider ho sulettamaing la supranza da la cumünanza vschinela. Fatschendas d'importanza subordinada po la supranza da la cumünanza vschinela surder al cuviu per evader autonomamaing.
- ⁴ In cas urgients po il cuviu piglier las disposiziuns preventivas necessarias.

C. Cumischiun da gestiu

43. Cumposiziun

- ¹ La Cumischiun da gestiu consista da duos commembers/-bras. Els nomnan taunter da els üna presidenta o ün president.

44. Lezchas, autorizaziuns

- ¹ La cumischiun da gestiu examinescha il pü tard zieva mincha rendaint la legitimateda da la contabiltad e da la gestiu da la cumünanza vschinela. Ella rapporta in scrit a la radunanza da la cumünanza vschinela e fo üna proposta.
- ² La cumischiun da gestiu ho il dret da pretender actas e pusiziuns da la supranza da la cumünanza vschinela e da piglier invista in tuot las actas da la cumünanza vschinela, premiss cha quellas sajan importantas per pudair accumplir sias lezchas.
- ³ La cumischiun da gestiu po per tuot las fatschendas invider a commembras u commembers da la supranza da la cumünanza vschinela a sias tschantedas. Quellas u quels haun da der tuot las infurmaziuns necessarias, per cha la cumischiun da gestiu possa accumplir sias lezchas.

D. Cumischiuns

45. Cumischiuns

- ¹ In cas da bsögn po la supranza da la cumünanza vschinela installer cumischiuns temporarias. In cas singuls preparan quellas fatschendas per mauns da la supranza da la cumünanza vschinela u la cussaglian. La cumpetenza da decider ho la supranza da la cumünanza vschinela.

III. Rendaquint, faculted da giodia, conto pel richev our da la vendita da terrain

46. Rendaquint

- ¹ La cumünanza vschinela fo minch'an ün rendaquint da tuot sias finanzas.
- ² Fin la fin settember da l'an chi segua a l'an da gestiun haun da gnir tramiss il rendaquint approuvo e'l rapport da la cumischiun da gestiun al Departamaint da finanzas e vschinaunchas.

47. Faculted da giodia

- ¹ Tuot las vschinas e'ls vschins da la vschinauncha da Silvaplauna haun il listess dret da giodia in connex culla faculted da giodia.
- ² Tuot ils richevs da l'utilisaziun da la faculted da giodia vaun a favur da las finanzas da la vschinauncha politica.
- ³ L'alienaziun da faculteds da giodia as drizza tenor la legislaziun chantunela.

48. Conto pel richev our da la vendita da terrain

- ¹ Il richev da l'alienaziun da faculteds da giodia vo in ün conto pel richev our da la vendita da terrain chi vain administro da la vschinauncha politica.
- ² Mezs dal conto pel richev our da la vendita da terrain paun be gnir retrats sün basa da decisiuns correspondentas dals organs respunsabels da la cumünanza vschinela e da la vschinauncha politica.
- ³ L'adöver dals mezs dal conto pel richev our da la vendita da terrain as drizza tenor la legislaziun chantunela.

IV. Disposiziuns finelas e transitoricas

49. Revisiun

- ¹ Ils statüts preschaints paun adüna gnir revais, e que dal tuot u per part.

50. Entreda in vigur

- ¹ Quists statüts scu eir tuot ils müdamaints posteriurs aintran in vigur cun lur approvaziun tres la radunanza da la cumünanza vschinela. Els rimplazzan ils statüts dals 11 december 1991 incl. las revisiuns parzielas daspö lo.
- ² Els haun da gnir preschantos per approvaziun al Departamaint da finanzas e vschinaunchas. Que vela eir per mincha müdamaint posteriur.

Decis a la radunanza da la cumünanza vschinela dals 13 gün 2024

Il cuvih

L'actuara

.....

.....

Revisiun parziela decis a la radunanza da la cumünanza vschinela dals 25 gün 2025

Il cuvih

L'actuara

.....

.....

Cuntgnieu

I. Disposiziuns generelas	2
1. Cumünaunza vschinela	2
2. Autonomia	2
3. Lezchas	2
4. Faculted da la cumünaunza vschinela	2
5. Dret da vuscher e da tscherner	2
6. Düreda d'uffizi	2
7. Demischiun	2
8. Entreda in uffizi	2
9. Tschernas substitutivas	3
10. Participaziun a las tschantedas, cumpetenzza da decider	3
11. Oblig da vuscher	3
12. Decisiuns da las autoriteds	3
13. Motivs d'exclusiun	3
14. Incompatibilited	3
15. Oblig da piglier s-chüsa	3
16. Dret da petiziun	3
17. Dret da survgnir infurmaziuns	4
18. Dret d'iniziativa	4
19. Procedura tar iniziativas	4
20. Retratta da l'iniziativa	4
21. Iniziativa illeghela	4
22. Dret da moziun	4
23. Reponderaziun	4
24. Respunsabilited	5
25. Dret da recuors	5
26. Protocols	5
27. Invista i'ls protocols	5
II. Organisaziun da la cumünaunza vschinela	5
1. Organs da la cumünaunza vschinela	5
28. Organs da la cumünaunza vschinela	5
A. La radunanza da la cumünaunza vschinela	5
29. Radunanza da la cumünaunza vschinela	5
30. Autorisaziuns da decider	6
31. Presidi da la radunanza	6
32. Cumpetenzza da decider, procedura	6
33. Publicited, piglier s-chüsa	6
34. Quintavuschs	6
35. Votaziuns	6
36. Möd da tscherner	7
37. Eruida dal resultat da la tscherna	7
B. La suprastanza da la cumünaunza vschinela	7
38. Funcziun e cumposiziun	7
39. Tschantedas	7
40. Lezchas e cumpetenzas	7
41. Rapeschantaziun da la cumünaunza vschinela vers inour	8
42. Gestiu	8
C. Cumischiun da gestiu	8
43. Cumposiziun	8
44. Lezchas, autorisaziuns	8
D. Cumischiuns	8

45. Cumischiuns.....	8
III. Rendaquint, faculted da giodia, conto pel richev our da la vendita da terrain	9
46. Rendaquint.....	9
47. Faculted da giodia.....	9
48. Conto pel richev our da la vendita da terrain	9
IV. Disposiziuns finelas e transitoricas	9
49. Revisiun	9
50. Entreda in vigur	9